

六十五

六百三十三





文苑英華卷第六百三十一

謝恩四

壽昌節謝酒食狀一首

嘉會節宰相謝酒食狀一首中

和節賜謝尺狀一首

清明謝賜火狀一首

為人端午節謝賜物等狀四首

杜日謝賜羊酒海味及茶等狀一首

重九謝賜餠酒等狀一首

臘日謝賜物狀八首

壽昌節謝酒食

集作茶

狀宣宗生日

杜牧

右良某等言伏以大慶吉辰榮霑錫宴鴻恩繼志玉人荐臨旨

酒名肴

集作茶

玉食仙果來於街府莫匪天慈適口忘憂已滿小

人之腹殺身粉骨難酬聖主之恩臣無任感思抃躍之至



嘉會節宰相謝酒食狀

昭宗生日 錢翊

右伏以香火至誠祝後天於萬歲弦匏節喜會率土於三春敢望宸稟思隆輔弼玉人遞一作降寵錫爰加酒醞既陳炮燔兼至名茶馥郁嘉果駢羅嘗珎而食指先驚敢忘盈滿竊位而憂心已醉寧待獻酬仰望春慈臣某等無任兢感摧抃屏營之至

中和節謝賜尺狀

白居易

右今日奉宣賜臣等前件紅牙銀寸尺各一者狀以中和戒集作節慶錫申思當晝夜半平分之時頒度量合同之令况以紅牙為尺白金集作為寸美而有度煥以相宣逮下明付度之心為上表裁成之德慶澤既及歡心畢同臣等塵忝日深寵錫歲至雖息光下濟咫尺之顏不違而尸素內慙分寸之功未效捧受愧畏倍方恒情謹具奏聞謹奏

清明謝賜火狀

前人

右今日高品官唐國珎就宅宣旨賜臣新火者伏以節遇藏暉時當改火助和氣以發滯表皇明而燭幽臣顧以賤微荷茲榮耀就賜而照臨第宅聚觀而光動里閭降實自天非因榆柳之燧仰之如日空傾葵藿之心徒奉恩輝豈勝欣戴

為人謝端午賜物等狀

令狐楚

右中使王進卿至伏奉詔書慰問臣兼宣恩旨賜臣及諸將未并百索銀器等者臣伏以夏之為仁寔由乎長養王者所寶莫重於賢能故事將錫年長皆於今月因頒珎翫遊及庶方誠上帝之殊私信大朝之盛典臣才無所取政不足稱獲守司存已為尸忝豈意九天之慶賜每歲必來五日之祥期一作無年不受未棠霧疊詔書雲繁篋中盈綵絲之索按上滿貞金之器方



圖通用紅紫交光命輕而服拜難勝身賤而鋪塵不稱以榮為懼當喜而憂終無補於成功空有慙於僨賞並準勅捧受分兼給諸將訖所守有限不獲陳謝

為安平公謝端午賜物狀

李商隱

台今月某日中使某至奉宣恩旨賜臣手詔一通兼前件端午紫衣銀器百索并大將末者乾文昭融眷賜稠疊恩生望外榮積惧中臣已當時宣布給散訖伏以正陽今月端午佳辰渥澤合止於勲賢賜賚宜先於戚屬臣東臨東魯久去上京豈望仁時同躋壽域八行明詔伏讀而不啻千鈞一粟輕衣跪捧而若無三伏况又綵縷出仙蠶之璽貞金疑姹女之魂持可戒盈帶堪延筭豈微臣獨忝在列校不遺華楚成行永願千春而奉聖綿長共保常期五日以霑恩臣與大將等無任感激懇悃之至

為榮陽公端午謝賜物狀

前人

右中使某至奉宣恩旨賜臣端午紫衣一詞副百索一軸銀器二事大將末三副并賜臣手詔一通者伏以五神定位祝融司長養之功六律鈞和蕤賓有酬酢之義故節推戴禮日著漢儀彼艾人遠具於歲時角黍近標於風土乃耆舊傳聞之末末集作是

君親慶賜之原伏惟皇帝陛下克協樂章允符時訓恩

集作是

近戚惠浹元僚臣守介壘圻程遙鳳闕敢希瘴嶠特乾文輕編染未貞金備器海綃掩麗渠益葳瓊拜受若驚跪捧如失裳末國僑之紵枝服多慙久雋顏氏之瓢捧特未貫當晝而不假交扇向夕而唯宜飲冰况又將以綵絲紫諸畫軸用襍故烝兼續脩齡爰自微臣頰流諸校鞠躬被寵全踰錫帶之榮觀物傳輝實動請纓之思唯當仰當仰承帝力粗舉藩條誓相率於明時



庶同登於壽域臣與大將等無任望闕感息抃舞屏營之至

謝賜端午木物狀

張次宗

右伏以中暑良時沐蘭令節玉人乘駟初降於九霄內府頒衣  
遷霑於千里臣忝膺寄任未展消埃節候每移戶曠增懼陛下  
殊私眷及寵賜不忘天書覩經緯之文麗服見裁縫之妙捧其  
珍玩價重於兼金賜以綵絲思深於延筭况寵周將校問及偏  
裨爭馳就日之誠益勵酬恩之節

社日謝賜羊酒每味及茶等狀

裳衮

右中使某至伏蒙聖慈賜前件羊酒等臣謬塵重任已積歲時  
日有餐錢月受高捧過蒙溫飮常愧有余內省謀猷實慙不足  
益彰尸忝深誠滿盈屬上戊御辰勞農報社賜兼海陸品極珍  
鮮上減銜繁一作下豐私室何功而受承寵若驚惶恐拜恩戰

懼交集無任戴荷欣抃之至

重陽謝賜醪酒等狀

前人

右中使劉君壽等至伏奉恩命賜臣前件醪酒等仍令樂飲者  
伏以玄月戒時清風應律宜於長久欣聖祚之壽昌復見芳華  
喜陽數之重合時思忽降節賜眷加玉人寵臨御膳分旨膏以  
粉餌蒸以館錦綠以金茅紫蔗筠節策萸清清嘗聞舊倍之傳  
意茲調膈今覩靈瓊之味此饗人苑吏上獻嘉辰豈伊凡品微  
生下霑殊貺賜宴既聯於伯仲覃恩更及於室家稠疊寵光低  
迴殞越一門同慶万死何酬

臘日謝賜口脂曆日狀

鄭綯

伏以玉人戾止天書遠降於閩川星躔既回冀曆猥頒於遐服  
推步允符於聖祚先天克合於歲功三百六旬斯須而咸覩二



十四氣憐息而可知一作又賜以蘭膏錫之絳雪衆香流澤芳  
潤忽光於悴容五藥蠲疔瘴癘潛銷於腠里仰榮知忝承寵益  
驚問闔九門歲時結戀於雙闕方隅万里展効期激於丹誠敷  
惠於洽於遠人拜賜濫同於重鎮觀風察俗志有立於消塵比  
物省躬思何酬於覆載臣某不勝歡躍屏營之至

為昭儀李相公謝賜臘日口脂狀

崔行先

右中使某至伏奉勅書墨詔緣大禮後慰問臣及將士官吏等  
又緣近臘日便賜臣前件藥物臣謬履鈞衡守茲戎鎮星霜屢  
改溼澤逾深內忪外慙不知所措文明啓運殷薦告成郊廟展  
嚴禋之義蒸藜洽特雍之化大有五刑之典廣霑万物之恩自  
天有慶與人更始臣名器俱忝宸眷曲臨節近嘉平息延寵錫  
香膏凝潤於宝器上藥必重於仙方澤變衰顏不知老之將至  
光生僊質空驚疾乃有瘳祗奉舊章式披新曆想天長而地久  
看日往而月來無任

臘日謝賜口脂紅雪等狀

前人

右中使某至伏奉手詔慰問臣及將士等又緣臘日賜臣口脂  
紅雪并新曆日等伏以蜡節嘉辰載於六籍皇恩隆合賚及万  
方金膏不秘於上清蘭澤遠傳於中禁加以玄霜絳雪素能愈  
病一作疾析醒顧惟賤庸承此恩造墮越無地惶悚失圖縱知死  
所豈答互造載頒新曆永傳億万斯年欣奉明時夔辦七十二  
候無任云云

為王大夫謝息賜口脂曆日狀

前人

右中使某至伏奉手詔慰拊臣及將士等又賜臘日口脂并新  
曆日等伏以清祀嘉名載於前典實追勸之盛節亦和樂之良



辰况天休光臨聖慈遐布顧臣賤陋竊奉明恩感戴周全不知所措蠲邪愈疾驗絳雪於仙方却老駐顏覩瓊膏於宝器式頌聖曆仰替皇猷永為四海之尊更續千齡之壽臣不勝歡躍云云

為人謝賜口脂等并曆日狀

令狐楚

右中使吳千金至伏奉勅書慰問臣并賜前件口脂臘脂紅雪紫雪各一各并曆日一卷等者伏以歲將更始節及嘉平陛下疑香為膏聚樂成散頌日月於曆上奮龍鸞於筆端星分九天之使雲布一日之澤此誠無私之殊造均養之恩仁而臣空抱愚忠曾無方略一居藩鎮三度受恩朱奩忽開鮮膩與芳馨相雜素編既列閨余將分至不差披尋而齒筭延仰塗傳而口容芳潤油雲之覆逾廣無以勝任綿地之封粗安未為報効捧受嘗翫形神渙然無任感戴之至

謝賜臘日口脂紅雪紫雪曆日等狀

前人

右使中董文萼至伏奉詔書慰問臣并宣恩旨賜臣前件物等者臣伏以天書垂露御曆頒年靈膏在瓊液之容仙散擬雪花之狀司天推布定分至於四時尚藥煎和辦君臣於百品無不闕於眷想發自宸衷錫勳烈之臣猶無一作獨過分幸霑庸微之質實所難勝况之疑潤身之資欣蒙苦口之利謹當奉揚節候下告於万人宣播光輝旁誇於九族殊私未答渥澤逾深夙夜寢興不任感戴

為人謝賜男歲節料并口脂等

前人

右臣得男公敏狀稱伏奉恩旨賜歲節料麵兩石羊壹腔酒五斗口脂臘脂紅雪各一合者臣謬以容虛叩塵一作膺任使陛下前因蜡日已降使臣既露澤口之膏又賜雪煩之散一從奉受



實未遑寧豈疲病小男復蒙寵賜一作酒漿口腹充溢於盃盤

藥餌膏脂馨丁懷袖若君父用賞延之義微細不遺而臣子非

立功之人光輝斯極豈德澤之私於一物俾恩波之重若三山

夙夜寢興以榮為懼戎守有限不獲臣謝無任感慶屏營之至

臘日謝賜口脂集作狀

白居易

古今日蒙恩賜臣前件口脂集作及紅雪澡豆等仍以時寒特

加慰問者伏以時逢臘節候屬祁寒豈意聖慈不忘微賤念嚴

凝而加之煦姬慮數瘵而潤以脂膏嘉集作氣動中勸容發外

挾續之恩甫及集作和則体舒不龜之澤既霑感而手舞臣等

省躬慊愧因物喻情宣止欽德堂心空集作驚寵賜必擬澡身

勵節以答鴻私感躍之誠倍万恒品謹具奏聞謹奏

文苑英華卷第六百三十一登仕郎胡柯鄉貢進士彭叔夏校正

文苑英華卷第六百三十二

狀五

謝恩五

謝出錢宴狀一首

謝賜設狀四首

謝賜宴狀二首

謝賜食狀三首

謝賜酒脯等狀一首

謝賜人糧馬料一首

謝賜米麵狀一首

謝賜大麥面狀一首

謝賜鹿狀二首

謝賜魚狀一首

謝賜蟹狀一首

謝賜車螯蛤蜊等狀二首

謝賜井子狀一首

謝賜井蔗芋等狀二首

謝賜茶果狀一首

謝恩命遣高將軍出錢狀

李邕

右高力士奉宣口勅以臣臨政特令賜宴恭承惠渥伏念庸微



天地周人木石知感不自惶悚戴荷之極死罪死罪臣歷觀目  
古君臣凡所際會或因緣黨進或收接功成故未謁而知不言  
而信豈有地孤援寡毀衆謗深察蒙蔽之中致昭曠之外逢此  
下特達之遇當陛下明聖之朝事出常均恩重今昔臣誓將瀝  
血足可竭誠徒欲殺身豈能報德至如勵精勤政舉直徇公詞  
陛下憂人之心行階下弛道之化豈一作安敢失墜以負神明但  
丞闕路懸長安日遠不任戀主悽之至

謝賜設狀

白居易

古今日○守謙奉宣聖旨以臣初入院特賜設者臣生長窮賤  
才質孱微草野陋鄙夫風塵走吏豈期聖造擢在禁園煦以天  
慈賜之豐食集作賜以御食臣所以凌兢受命俯伏荷恩心魂不寧手  
足無措况罇開九醞集作餼列八珍惠過加蓬萊優置醴金罍  
引滿將皇澤而共深玉饌屬厭與聖德而俱飽終食且歎捫心  
自驚戰汗慙惶墮越于不謹奉狀陳謝以聞謹奏

謝賜設及足帛狀

前人

古今日高品劉全節奉宣進止集作旨以臣等在院覆策畢特加  
慰問并賜設及足帛者臣等職在掌文詔今考策雖竭鄙昧猶  
懼闕遣豈意皇鑒下臨聖慈曲至惠加賜食榮及承筐寵厚縑  
緗仰難勝於互賜恩深醉飽退有愧於素食徒積慙惶何酬慶  
賜無任感戴屏營之至

謝賜設狀

元稹

古今日某乙奉宣恩旨賜臣就院設者臣聞推食之賜用勸勤  
勞置醴之恩以待賢彥微臣猥承天眷擢在集作自內庭雨露頻  
施涓埃莫効陛下載分美祿特降珍羞空懷滿腹之慙未有沃



心之便既充霄革誓竭肺肝竊位素飡實非誠願微臣無任感  
激思私之至

為中丞榮陽公赴桂州長樂驛謝勅設狀李商隱

古今日中使某奉宣進止集作旨就長樂驛賜臣及將吏等設

饌者將承聞集作寄尚忝朝恩絡繹八珍芬芳九醞臣皆緣薄

伎塵辱脩塗揚執戟之讀書雖無非聖董太和之對策何補清

時忽委廉車乍離閨籍誠忻列土實耿辭天然猶實指名告祥

采願有慶爰於近驛式降貴臣酒自克罇饌分禹膳集作下霑

將校旁躍路岐况臣平生本實孤賤懷書奉役久無默突之謀

入國展儀且惜殺蒸之禮飽期滿復醉更憂心終虞負乘之災

無報雲天之施臣與將吏等無任望闕感恩結戀屏營之至

九月九日謝恩賜曲江宴會狀

白居易

古今日伏進止集作旨賜臣等於曲江宴會特加宣慰并賜酒脯

等者伏以重陽令節大有豐年錫宴於無事之朝追歡於最勝

之地况天厨酒脯御府管絃寵賜忽降於橐中慶幸實生於望

外仍加慰諭曲被輝華臣等各以凡才同參密職幸遇休明之

日多承飫賜之恩樂感形骸歡榮動而成舞榮集作均草木秋

色變以為春徒激丹心豈報玄澤謹奉伏陳謝以聞謹奏

三月三日謝恩賜曲江宴樂狀

前人

右古人伏奉聖恩賜臣等於曲江宴樂并賜茶果者伏以暮春

良月元已嘉辰已集作獲侍宴於內庭又賜勸於曲水蹈舞踴地

權呼動天况妓樂選於內坊茶果出於中庫榮降天上寵驚人

間臣等謬列近司猥承殊渥集作澤捧觴知感終宴懷慙肉食無

謀未展消埃之効素飡有愧難勝醉飽之恩以此兢惶未知所



報謹奉伏陳謝以聞謹奏

謝賜食狀

張九齡

右臣等面奉進止令就集賢院與諸士等觀聖注道德經尋又賜臣等食竊味道腴兼承珍饌聞義飽德虛往實歸臣等何人叩承渥澤不勝惶悚感戴之至

謝每日賜食狀

常衮

臣衮言臣聞息或曲存義不虛受故耆儒碩德方載珍羞大節殊勲乃加礼食至於列曹分署各置食錢匪頒王饗食有公膳陛下勵精廢政垂意輔臣特降非常之慈屢蒙每日之賜上林果實至必先特大官食牢送無曠日臣等自登三事已涉七旬當朝廷釐革之時佐海內安危之重入趨殿省常奉憂入之旨出在廟堂每思克己之効而不能陳一策進一賢外無平戎之

謀內闕叙官之實四夷未格百姓未安不副憂勤合當罪累更承歛賜實用慙惶既招折足之嫌將貽騰周易口之誚伏望重回宸睇載允誠詞府停三錫之息伏免万方之責則神名或祐官謗不行在於微臣再受多福無任邈迫悚懼之至

代杜相公謝就宅賜食狀

劉禹錫

右高品某乙奉宣聖旨賜臣食者出自大官歛于私第光榮曲被撰承推食之恩駕蹇未施益重素飡之責舉其七勤若負立山無任戰荷踴之至

為宰相謝恩賜酒脯餅果等狀

白居易

右中使某奉宣聖旨賜臣等前件酒脯二字集等俯俸受賜竦踴荷恩天酒來以分甘御集殺差降而示惠臣等省躬知感因物言情寵過加邊惧多尸素之責榮同置醴慙無翹襲之功徒



歷丹誠豈酬玄造

代謝賜人糧馬料等

此是讓狀英華誤編于此

于邵

右臣先奉恩旨賜前件人糧馬料初已陳讓不蒙允許臣昨日於延英對見又請前件糧數內停一千人糧聖情未察倍增一作益惶惧臣自與兵以來早參戎律及討慶緒即從先皇皆虜奉膏謀遂清多難豈臣薄劣輒敢貪天而寵遇特深封賞殊厚纏綿渥澤三十余年食邑累加奉料甚一作亦廣自此之外更有田園朝夕所須幸無闕乏不謂繼明之始恩出非常曲賜褒崇庶此糧斛雖雲雨之施在恩私而至極被凋朽之質顧饕餮而多慙是以形神震駭不知所懼據速顛沛以促余年敢犯宸嚴重折哀亮儻蒙全度伏乞賜停謹奉狀云六

謝米麵羊酒等狀

常袞

右中使某至奉宣恩命以至節恩賜米麵羊酒猪鹿及雜口味等者聖旨頻降榮賚過優以周官百品之珍載頌其實雖魏臣五釜之貴豈容其多受賜踰涯拜恩失次臣出自孤賤素甘貧若不過滿腹竊誠終身且祭不掩豆飯惟脫粟昔賢之美其儉可師敢望豐盈重彰尸曠而雨露偏施歲時益榮俾奉先之饗味兼海陸合族之宴及於橐梁又沐深慈下霑中饋以感以慶啓處難任無德無功慙惶周措不任戴荷兢惶之至

謝賜大麥麵狀

張九齡

右林招隱宣勅賜臣等招隱說云薦新之外禁中所出皆是降至尊親耕稼穡之所成也伏以周人之禮唯有籍田漢氏之薦但聞時果則未有如陛下嚴祗於宗廟勤儉於生人事必躬親動合天德臣亦何幸近奉徽音又蒙聖恩猥垂珍錫已飽於聞



義况霑此時羞綢繆溼澤未知報効死罪死罪仍望宣牒史館以示將來臣等不勝感荷之至

謝賜鹿狀

常衮

右中使柘國俊奉宣恩旨以前件鹿稍覺鮮時好特以賜臣者  
謬竊和<sup>恭</sup>之任累承分食之恩無補洎塵叻<sup>一作</sup>霑雨露上戴  
洪造內愧素飡伏以陛下順時令以宣風展春蒐之彛典有司  
奉戕上苑從禽將備御庖敵茲鮮宜供六膳以嗣八珍臣實無  
功何以受賜寵承殊渥味則非時顧調銍而空慙荷生成而何  
容無任感恩悚抃之至

為晉公謝賜鹿內狀

苑咸

右內品官吏鳳節至奉宣聖旨賜臣鹿內一盤捧戴殊私喜躍  
無地伏以十月農隙三秦歲成豫雉宮時述近甸幸承扈蹕已荷  
陪遊之榮恩降自天更休珍鮮之賜慶覃野次澤被私門顧螻  
蟻之至微仰丘山而何答無任感佩惶悚之極

為晉公謝賜魚狀

前人

右內品官葉蕙仙至奉宣聖旨賜臣魴魚一盤仍便令造羹伏  
以九天之使頻過衡門八珍之羞屢瞻御膳登盤既榮於薦熟  
正席更喜於先嘗每侍軒墀曾無敵替歸休私室偏沐恩波空  
持紅鮮之慈實負素飡之責無任惶悚感戴之極

為晉公謝賜蟹狀

前人

右中使焦庭望奉宣恩旨賜臣生蟹一盤便令造食臣自叨陪  
侍從累沐殊榮朝天賜浴於御湯退食每霑於仙饌賞隨恩積  
慶逐時新臣之何功偏承厚錫游泳溼澤但惧踰涯徘徊寵私  
無階答効無任望外荷大之極



為晉公謝賜車螯蛤蜊等狀二首

前人

右品官葉惠先至奉宣聖旨賜臣車螯蛤蜊等仍令便造膳適  
中使賜臣水犢肉一合一作天自濫陪巡幸累沐殊私每荷一作沐天  
恩曾不踰日或承海味或降珍鮮况皆聖一作聖傳方王人調銍導  
効無神於消滴厚於轉積於立山昔周美康侯特密蕃庶之錫  
漢崇張禹函罩賜饌之榮才不逮於前賢而遇每深於曩眷雖  
竭心盡節何答生成不任云云

二

右內官趙承暉至奉宣聖旨賜臣車螯蛤蜊等一盤仍令便造  
趙承忠至又賜生蟹一盤高如瓊又至賜白魚兩箇伏以衡門  
之下頻降王人簞食之中累承天饌適口之異無時不霑駭日  
之珍每日幸一作皆遇顧循涯分何以克當徘徊寵私因知攸答

謝恩賜甘子狀

于邵

右中使某已至奉宣進止賜臣前件甘子伏以江潭所出見重  
於南州苞茅入貢一作青遠歸於北闕陛下念其野次錫及微  
臣顧萍實以虛言非庶漿之足擬分甘絕少一作絕嗣一作李陵絕其分  
竊荷於恩私食堪壞音敢忘於報効無任一作英華作劣非

謝賜甘蔗芋等狀

常衮

右今日日喬甘至奉宣恩命則苑中所種甘蔗及芋等其形豐  
其味甘被生成之恩宛同吳蜀之物過蒙頒賜伏用驚喜陛下  
以万灵効祉六合同春養之則生熟云其遠化之自我不隔華  
夷將有絕域之人眼中州而稟教故使他邦之產歸上苑而咸  
植既登天膳實表地成大和之理於斯可見捧承異貺兢局素  
餐感戴之誠倍百恒品不任受恩悚惧之至



謝賜茶果等狀

白居易

右今日高品杜文清奉宣進止

集作旨

以臣等在院脩撰制問賜

茶脯黎果者

集作果黎脯等

曲蒙聖念特降殊私慰諭未終錫賚旋及

臣等慙深曠戾寵倍驚心述清問以修辭言非尽意仰皇慈而

受賜力豈勝恩延激丹誠庶

集作詎

酬玄造無任欣戴抃躍之至

文苑英華卷第六百三十二

登仕郎胡柯

鄉貢進士彭叔夏校正

文苑英華卷第六百三十三

狀六

謝恩六

謝賜衣服狀五首

謝賜春衣狀六首

謝賜衣狀八首

謝賜馬狀八首

集作賀

集作賀

侍講遍賜衣服狀

張九齡

右高力士至宣稱陛下親講讀毛詩遍賜侍講陳希烈三品兼

賜衣物等狀伏以睿思玄通超然物表俯臨天下必樹風化既

弘儒教考覈詩入援託詩資親行講讀章句初畢當賜

集作錫有

加明主深恩

集作用心

集作孰

不知勸臣謬承任遇實愧經通聖業

彌深微誠何補方思敷學以助皇明

集作明時

無任悅豫之至

謝賜衣服及緇狀

前人

右中使某至特蒙恩曲賜遠別之什又中使某宣口勅賜衣一



副并絹一百疋者但柱礎雖下感致於青雲陽遂則微召應於  
白日在臣孤賤亦荷寵光伏惟陛下御禮龍躍八体比之未雉  
天文鳳章五色對之猶淺况束帛荐至末服仍臻施重立山恩  
深江海實為九族遍有光華匪唯賤陋獨稱榮慶不任云云

謝賜末物狀

前人

右高力士宣勅賜臣末及器物等臣九齡不孝苟存企及札制  
天恩以忝樞近賜問再臨末服珎器殊常寵錫臣有何力可以  
叨濫渥澤至深誠効已竭唯微命不知所圖無任感戴惶悚  
之至

為盧監被盜末物謝賜御末物狀

蘇頲

內常侍趙元享奉宣恩旨以臣被竊盜失物賜臣末一副臣素  
以慢藏闕於周備今戶為過尚不可逃太丘有言復不能覺使

臣知政未息盜於苻蒲加臣匪服遂增輝於樗櫟顧深憊咎翻  
荷恩慈捧戴循環再三惶惧無任不情之至

謝恩賜末服狀

白居易

右今日守謙奉宣聖旨以臣初入院特賜末服者臣自入禁司  
纔經旬月未時集作陳薄効累受殊私况前件末服等敝自遠方  
降從御府既鮮華而駭目亦輕煖而便身臣實何人堪此榮賜  
必擬祕藏篋笥傳示子孫何則顧陋質而懷慙貌非稱服撫微  
軀而荷寵力不勝末因物感恩無任愧惧謹奉狀

謝恩賜春末伏二首

崔行先

右中使至伏奉勅書手詔宣慰臣及將士等兼賜臣春末等鴻  
恩霈澤忽降轅門霧谷冰紉猥加介胃臣等謬膺委使徒展寸  
誠曾無逐獸之功每惧代種之弊捧授祗標不知所裁仰戴恩



光將向上答彌憂不稱其服益用內愧於心無任 云云

二

右中使至伏奉勅書手詔宣慰臣及將吏等又賜前件春衣臣等駑駘賤品介冑匹夫未彰塵露之功洎及雲雷之澤喜抃驚惕恍然失圖捧戴恩弘不知所據以御府紈素耀晴景於三春天宮蘭麝襲迴風於十步豈土木之質被服所宜雖灰粉其身

上答何極無任 云云

同前

于邵

右今月日中使至伏奉勅書手詔慰諭臣及三軍等并賜臣及大將春衣者捧戴抃躍實增慙懼臣功效微淺寵遇日深霜露適濡恩已承於挾纒清明才度賜又及於解衣仰服用於公家罷裁縫於私室及已頒分大將訖各盡殫戎之力用申報國之誠

同前

常衮

右今月五日監軍某乙差行管十將某官某乙送正月十二日書詔并賜臣衣三副軍將二人衣兩副跪伏捧承惶悚殞越臣素以愚懦昧於吏能虛受寵私豈堪任使謬承條察吏法非明忝司訓練戎行不肅今之曠職獨有微臣宜懲冒榮以勵分鎮豈謂特迴聖睠俯示天書曲降宸慈載如墨詔下頒春服遠被時恩獎節逾涯兢惶失次載光師旒仍賜偏裨誓以捐軀期於上報無任慶抃悚踴之至

謝賜春衣牙尺狀二首

令狐楚

右中使至伏奉詔書宣賜前件物臣伏以衣服者身之文章尺寸者王之律度被於四体不稟則災考以二分無差為貴伏惟皇帝陛下陶承萬類軌物兆人每及新春皆頒上賞其或才堪



國用智代天工福至而驚名成猶懼循省涯分比數藝能臣實無  
任累承斯寵曳紫光於腰下稱佩黃金操素質於掌中如持日  
璧窺看耀日舉止生風誠聖主全覆育之三顧微臣無秉特之  
力蒙恩過厚忍愧逾深終申一寸之功用答九重之賜欣榮感  
場不自任勝云云

二

右中使駱元榮至伏奉勅書手詔慰問臣等并賜臣春衣二副  
牙尺一枝軍將衣二十副者臣伏以行慶于下惟德所廣受賞  
于止無功則難臣實何人叨君重任履冰非懼食檠為耳今者  
伏蒙陛下推漢后解衣之恩寵錫春服稽有虞審度之典榮頒  
象尺樂官考正無累忝之差文御裁縫有奪朱之麗而况端平  
皎絜無慙七寶輕盈絳繚不謝六銖此臣所以捧觀而似覩鈞

衡服拜而如生羽翼謹便分散諸將傳示眾人感戴欣抃歡與

臣同

一作感戴欣  
歡與臣同日

所守有限不獲拜謝無任欣躍一作之至

謝賜冬衣表

權德輿

此卷移在五百九十三卷表門今存其目

謝賜冬衣表二首為人作

令狐楚

右中使宋文瓌至伏奉勅書手詔慰問臣及將士等并宣恩旨  
賜臣等前件冬衣者臣伏以牙爪之寄才實甚難衣裳之賜恩  
為至厚臣之器資無所任用誠不足以膺重寄而蒙厚恩今陛  
下陶以大和蓋其多闕及戒寒之月屬授衣之時喻一作比賢  
皆頌宣慈惠跪聽清問欽承寵章宛是蠶綿爛如獸錦長皆被  
士實貴兼金分列校不辨鮮華在微臣最為重疊自承天澤不  
憚風威仰戴恩光有千鈞之重俯循功績無一縷之微空知竭



誠難以勝德謹並捧受分給訖所守有限不獲陳謝無任感慶  
屏營之至

二

右中使某至伏奉勅書手詔慰問臣及將士兼宣恩旨賜臣等  
前件冬衣者伏以綸綍之言出於天澤衣裳之受必以王功臣  
職在惣戎任當平寇効無絲髮非王主而豈容施若立山在愚  
臣而將壓今者司寒肇至命服載新降自九霄來經千里錯鳥  
章於襟帶奮龍文於素牋兼并綉麗備極懷竒木石之姿過蒙  
鮮飾冰霜之氣頓減嚴凝曳婁而賤質生光憤排而懦心增勇  
終期薄効用答深思謹準勅受兼分給諸將訖所守有限不獲  
陳謝無任感戴之至

三

右中使吳千金至伏奉勅書手詔慰問臣及諸將士等并宣恩  
旨賜臣冬衣兩副及諸將衣二十副者臣守國之藩荷天之寵  
名聲續用未有可稱伏惟皇帝陛下仁育廣方澤均群動當玄  
律開冬之候念邾寒用事之初書詔交飛衣裘疊至墨畫龍蛇  
之妙綾兼龜鶴之寄服翫而哀殘有光拊循而孱懦增氣自臣  
而下萬口一声臣並準勅分配訖不勝欣抃愧戀之至

為榮陽公謝賜冬衣狀

李商隱

右中使某至奉宣恩旨賜臣冬衣一副大將衣四副兼賜臣手  
詔一通者八行帝語宵降於重霄一襲天衣俯迴於窮節臣當  
時準詔給散訖臣叨蒙重寄適控遐陬地雖五鎮之衝氣得四  
時之正每玄冥應律顓頊司辰當二日之鑿冰則殊幽  
野及兩楹之飛雪無異朔山重以寶布少溫蠻綿之暖方求麗

英華作  
幽非



密以禦嚴疑豈望司服頌衣貴臣傳詔綾裁飛鷓絮集作素 稟仙

蠶白分椒辟之光紫奪蘭牙之色已均下將仍遠連營晏子孤

裘故弊何一作舊彰於國儉王恭鶴氅風流不自於君恩被服

有輝百戴無力謹當上宣殊渥下拊多寒均大詔於瑯琊變無

櫛於蜀郡粗令康泰以塞貪叨臣與大將等無任望闕感恩抃

舞屏營之至

為濮陽公涇原謝冬衣狀

前入

右某月日中使某至奉宣聖旨賜臣及大將兼諸鎮防秋兵馬

等前件勅書手詔并冬衣者臣並已準詔旨宣示給散訖恩及

解衣榮加降璽戴山未重負日非暄臣謬領藩垣適當戎狄唯

憑廟筭粗展集作振軍威絕漠集作塞獵迴幸無驚急高峰火過報

平安直以地勢多陰川形稍背三伏常聞於屏蓬九秋尋訝於

華繒代馬蹶嘶隴山無業燕鳴未過涇水先冰是以每降王臣

仍迂御筆緘封垂露寵錫御冬非王女裁成即仙人織出徒驚

在筍莫匪集作親因針始顧孱微深懼不勝冠帶旋蒙被服便如

能執干戈遍逮君前歷霑麾下達喜氣而陳根復秀動歡聲而

壑戶潛開華楚成行曳婁塞路其山南宣歙三道大將等雖久

居炎燠不慣嚴凝亦既更衣皆忘易地賈餘勇而例思盡敵感

鴻私而咸願殺身各限征行不獲陳謝臣與大將等無任瞻天

戀闕感恩屏營之至

謝賜冬衣狀二首

張宗

右伏以玄律戒時祁寒應候王人傳詔御府頒衣伏惟皇帝陛

下盛德御天至仁育物每念方藩之忍屢加寵錫之恩臣績効

未施塵忝茲久捧溫密之詔喜若朝天被輕織之衣暖同就日



况撫寒之問下及師人錫服之榮遍周戎校喜氣乍傳於封部  
陽和先及於荆衡爭馳戀闕之誠各勵酬之志 云云

二

右中使劉泰伸至伏俸勅書手詔宣慰臣及將吏僧道百姓等  
并賜臣手詔及冬衣兩副大將衣十副者清風戒寒玄律將至  
未及嚴凝之候已霑輕煖之衣承寵命而載慙啓緘封而增感  
伏惟皇帝陛下至德御時深仁育物光武十行之詔每覩憂勤  
魏后五時之衣未為寵錫况臣叨榮漸久受賜彌多寒暄之節  
候驟移新舊之光華相委被服悉頒於御府裁縫僅度於私家  
挾纊之恩已周於列校維鷄之刺尤媿於微躬無任

謝賜馬狀

張九齡

右今日高力士奉宣聖旨賜臣紫騮馬一疋伏以恩覃不次寵  
愚非常有忝股肱之臣頻奉渥注之賜况郊壇展禮尚未奠於  
九宮而雨露深恩及有叨於三接雖鳴琦噴玉朝天未代於臣  
勞而任重才微又歲寧酬於聖造荷負無力答効何階云云

謝借馬狀

孔戣

右中使至奉宣進止將前件馬送臣至京北路界祇承寵光載  
競載揚微臣猥以庸瑣謬分憂寄拜命之日已受賜於龍媒遵  
路之時復假榮於天驥恩私稠疊渥澤殊常豈謂意不遺獨懷  
軫念輟驂留於內廐○逸步於長衢驅馳忘勞服習如志誓當  
夙駕奔走所部冀安夷獠以免聖憂無任感恩懇款之至

謝借飛龍馬二疋狀

鄭絀

右中使某至奉勅旨借臣前件馬至京兆府界者王人在門天  
驥臨路寵光荐及行色增輝上感恩私何階答效自臣叨承戎



寄累軫皇慈念輸力於外藩降逸才於內廐分憂未酬於聖主  
代勞已及於微臣雖駕鈍莫施而疲羸頓解再馳猶勤於遠道三  
接已及於帝畿即以某日至京兆府界迴瞻魏闕目斷白雲祇  
事主程指期丹繳無任感戀之至

謝借馬狀

于邵

右今日中使某至以臣朝奏闕庭特借前件馬拜受殊深不任  
驚懼伏以詔傳中貴馬出內闕因光自降於九重前疑作銜不  
關於衆口無功無效以懼以慙遂躡權竒方遺欵段瞻天心喜  
已馳捧日之誠向闕身輕更遇奔星之足仰立山而轉垂知報

謝賜馬狀常衮

以上係卷六三三

謝賜馬狀

常衮

隼建中元

集作

年正月五日勅内外文武官到任三日

借外藩伏請未資賜授憲官充臣節度判官

段瓌

同前

蘇頌

同前(賀太陽不虧狀)  
臣等伏承...一篇起  
係卷六百三十六

以承大史奏昨一日大陽虧陛下爰發行宮不御常服聖

殊登臺而視朔自亭午過晡申寒沍成春温一作陽光轉大伏惟

皇帝階下纘千歲之統擁三神之休道洽功成增高益厚金繩

玉檢轡跡於前聞日觀雲封降祥於即事且疇人察序大史宣

職以曆而推式開常度至時不蝕乃自殊祥陛下昭事於上天

上天昭答於陛下若是之速其何響會非常之祉郭不忻懼臣

等忝預從臣無任踴躍慶抃之至

為宰臣論月應蝕狀

前人



寄累軫皇慈念輸力於外藩降逸才於內廐分憂未酬於聖主  
代勞已及於微臣雖駕鈍莫施而疲羸頓解再馳猶勤於遠道三  
接已及於帝畿即以某日至京兆府界迴瞻魏闕目斷白雲祇  
事主程指期丹繳無任感戀之至

謝借馬狀

于邵

右今日中使某至以臣朝奏闕庭特借前件馬拜受殊深不任  
驚懼伏以詔傳中貴馬出內闕因光自降於九重前疑作銜不  
關於衆口無功無效以懼以慙遂躡權奇方遺欵段瞻天心喜  
已馳捧日之誠向闕身輕更遇奔星之足仰立山而轉垂知報  
效以何階

謝賜馬狀

常袞

右臣伏隼建中元集作年正月五日勅内外文武官到任三日

借外藩伏請未資賜授憲官充臣節度判官

段瓌

同前

蘇頌

臣等伏承大史奏昨一日大陽黜陛下爰發行宮不御常服聖

慮淵唐諱默天情寅戒頓于行在不可縈社以責陰凡厥觀瞻不

殊登臺而視朔自亭午過晡申寒沍成春一作陽光轉大伏惟

皇帝階下纘千歲之統擁三神之休道洽功成增高益厚金繩

玉檢轡跡於前聞日觀雲封降祥於即事且疇人察序大史宣

職以曆而推式開常度至時不蝕乃自殊祥陛下昭事於上天

上天昭答於陛下若是之速其何響會非常之祉郭不忻懼臣

等忝預從臣無任踴躍慶抃之至

為宰臣論月應蝕狀

前人



臣近者特奉玉堦親承聖旨伏知今月十四日夜月蝕當盡此  
驗非遠即胡滅之祥臣以為太陽之蝕必在於望太史司占不  
言爾日聖人同契果應先天而不為一作謂測神前知者聖臣耶  
霄將暝精慮仰觀初則桂魄正圓俄見萱枝遂缺乙夜之後所  
蝕便既臣載欣載躍聞所未聞但恐黜駁禍盈命危勢蹙百年  
之運晷刻當穹三象之微蔽虧先肇一作見臣等忝階近侍喜萬  
恒情無任欣躍之至

為政事賀雨狀

前人

頃者西郊不雨南陸憊陽上動聖情下憂農事一人以禹湯罪已  
百姓以堯舜為心知天人之合符非土龍之可致德音朝降纔  
出於巖廊膏澤晚飛已周於城闕麥宜早秀日晴助光禾欲潤  
成歲知秋獲唯皇建極天且弗違用爾作霖臣伏何補既叶夢

魚之吉預告鳴鶴

一作爵

之期抃躍之誠萬萬恒品

賀祈雨有應狀

張九齡

右臣等一昨面奉恩旨緣秋稼有望時雨愷懋念及黎元見於  
顏色方躬自祈請誠勤夙夜上靈昭鑒嘉瑞必臻昨日申酉之  
間雲物果應初含五色正覆於壇場未及終宵更酒於誠闕遂  
使炎埃宿潤雪暑暫清實膚寸之資必集作畢致普天之澤臣等  
多昧徒仰於成造蒼生何幸每及於聖私無任欣慶集作戴抃躍  
之至謹奉狀陳賀以聞既有殊應仍望宣示集作付史館

賀雨晴狀

前人

右今月十日高力士宣聖旨以霖雨淫集作方滯有害稼穡之憂  
將親禱上陽三日內不坐精意朝發而重陰夕霽乃數日以來  
遂致開即誰謂天遠其應甚速遂得麥秋有望蠶事且登則知



至人無心與天地合契神功潛運豈陰陽不測伏惟陛下明德  
自廣兢業載懷所致休徵必加謙慎天聖相合福施群生日用  
不知年和在此臣等無功集作能翊佐徒忝近密每有大猷承奉  
不暇無任欣戴慶躍之至

賀麥登伏

前人

右今日高力士宣垂示臣等皇太子表以嘉麥有成陛下躬執  
勞事率先兆廢皇太子以集作已下繼美聖功臣聞勤於稼穡必

有來麩之慶著在春秋則非他穀之比伏惟陛下致敬宗廟屬

意集作念黎元春郊順時則千畝在御禁園測候則萬寓皆豐况

云立訓天人降尊農務上靈昭德已聞瑞日增輝當夏集作暑不

疲則有祥雲自覆是彰敦本之化式旌造物之功人誣在茲天

意可鑒且禹之盡力堯實用心史冊美談帝王成集作為非範未有

休徵神應若斯之盛者也以今況古千載未聞請付史官天下  
幸甚臣等叨榮近侍倍百恒情無任感戴抃躍之至

為政事賀苗稼伏

蘇頌

右臣等一昨面奉聖旨以近日暴風雨恐麥有損陛下務農在  
候較膳終朝憂勞之甚起居不懌臣等聞重華之德昌發用心  
夏禹則為人先成湯自以身禱求諸往事未或前聞天與聖符  
風將雨止果果之日吐扶桑而已霽茫茫之野合岐麥而皆秋  
仍滋北里之未更潤南山之豆京城可望不知日用之功施宸  
注懷尚切在予之念臣叨陪近侍親奉德音上貼慮於納陛下  
增憂於折鼎無任惶悚之至



文苑卷第六百三十六

登仕郎胡

柯

鄉貢進士彭

叔夏

校正

文苑英華卷第六百三十七

賀下

賀尅捷狀一首

賀誅賊狀一首

賀退賊狀一首

賀破突厥狀一首

賀東北累捷狀一首

賀賊自相誅滅狀一首

賀破吐蕃狀一首

賀靈武破土蕃表一首

為昭義李胡公賀雲南歸附狀一首

賀破渭北党項狀一首

賀斬僕固瑒狀一首

賀破高王狀二首

賀韓僕射充招討使狀一首

賀破賊兼優卹將士狀一首

賀行營破賊狀二首

賀尅捷狀

張九齡



右高力士宣示臣等張待賓表臣等前因奏事親承聖旨懸料  
數日當一作必有捷書及此使至皆如睿畧但狂胡背誕圍延軍  
州一作州城凶力固已困窮邊城一無所損臣等伏料此賊早是破  
傷大衆自遠方來四字集踰月乃去馬羸則多死人苦計王本  
走鳥雜之徒足為集作破亡之漸此皆皇威遠龍言分殺坐銷豈  
伊邊人所能自保臣等幸忝樞近承奉聖謨邊捷有符不勝慶  
悅謹奉狀陳賀以聞仍望宣付史館謹奏

賀誅賊狀

前人

右蓋嘉運奏北庭解圍仍有殺獲蘇祿背德敢此讎天盡驅犬  
羊來犯軍鎮雖肆凶毒欲逞其心而邊兵無遺鏃之費狂賊有  
與尸之禍此皆陛下聖武將士龔行遠必叶謀動無遺策能今  
氛祲坐自廓清臣等每集作奉密謀屢承獻捷踴躍稱慶倍百

怕情謹奉狀陳賀以聞謹奏

賀賊退狀

前人

右高力士至宣勅示臣曹待仙奏狀知蘇祿遁逃集作入山出  
界者四鎮懸遠比被侵逼將士用命雖有誅鋤凶黨集作尚多  
時集作有抄掠兵疲矢盡為弊亦深今月奔亡誠是震懼聖威  
無遠氛沴坐銷又北庭救兵當特迫旆不費軍廩事且無憂吐  
蕃縱實西行蘇祿不得相應其敗可必又無可慶邊事且寧不  
勝慶慰謹奉狀陳賀以聞謹奏

賀破突厥狀

前人

右張守珪奏突厥四萬騎前月二十五日至能訖離一作山  
契丹涅禮等前後斬獲俘馘數逾十萬突厥可汗棄甲逃亡奚  
王事歸國及平盧軍將等追奔逐北計日殲滅更聞奏者伏以



突厥新立輕事用兵彼之威衆在於一舉又兩蕃與其給隙交  
構未深在於邊隅猶軫天等陛下料其終始指授規模知其奔  
衆集作盡來本自無策勞師襲遠必合成擒使蕃騎先鋒漢軍  
堅壁坐觀成敗自戰蠻夷今契丹纔交突厥已破計其奔北必  
至喪亡縱脫身獲全亦卒衆皆棄醜集作虜震懾從此氣衰東  
胡保遠永不攜二寬僇罷柝自此可期斯皆聖德遠覃皇威遐  
振事無遺策卒不失圖臣等忝跡樞近親承眷略抃躍之至倍  
百怕情謹奉狀陳賀以聞謹奏

賀東北累捷狀

前人

右今日劉思賢至奉宣聖宣垂示臣等破賊所由兼見守珪表  
奏具承契丹累捷伏以聖武所加制勝者無失天成不抗犯順  
者自忘突厥負衆背恩穹凶遠襲兩蕃懷德哲言死知集作歸  
三軍奉國從命如指遂使一戰便克已聞殺傷無算慟哭而奔  
則知主將必死且蠻夷相伐我則不勞疆場有虞義亦奚失因  
知無愆信於漠北有大造於燕垂此實獨斷神謀事皆有賴萬  
全之策永靜邊隅薄伐之師匪勞中夏凡在黎庶孰不放躍臣  
等忝預樞近倍百怕情無任慶況之至

賀賊目相誅滅狀

前人

右高力士宣示張守珪所上逆賊契丹屈烈及可突于等首級  
此等惡稔喪敗將及故天請其果既降又二所感義之士惡其  
翻覆背恩之賊已就集作誅鋤幽障廓清華夷俱靜計其餘噫  
求無動搖陛下邊任先釋聖謀獨斷克稟成命族此戎功且知  
河胡無轉輸之勞林胡為賦稅之地臣忝在樞近預聞遠績捷  
書之至書倍怕情謹奉狀陳賀以聞謹奏開元二十二年十二月



此篇元誤編在五百六十六卷表門今移入于此

賀破吐蕃狀

張說集無

右臣等伏以涼州邊稟神筭大慄天威吐蕃小醜應時作敗元惡渠魁乘勢俘戮隻輪足馬坐見無遺虞舜之格有苗黃軒之征豕鹿未有廊清氛祲如今日之盛者臣等無任慶快之至

為昭義李相公賀雲南蠻歸附狀

崔行先

臣某言伏承雲南羣蠻率其類八國獻款歸附於某月日至于闕下臣伏惟皇帝陛下端拱九重高視千古聖謨廣運方昭下率之功至德柔遠是有非常之慶不然者荒陬蠻貊左衽鳥言文軌未通嗜慾有異不知父子之情獨識皇王之恩此皆天誘其衆神助其啓歸我龍德革役浪心率假渡遽之師俄同兩階之舞夏啓之征有苞高宗之伐鬼方書之載籍適足慙耻臣限

以守邪藩維典茲戎旅不獲隨例稱賀抃舞丹墀之至

賀靈戎破吐蕃表

令狐楚

此表當在百百六十七卷賀捷表門今已移入姑存

賀破渭北党項狀

于邵

右臣得所由報破前件賊者伏以作逆者皇穹所誅阻兵黔首共棄此賊與懷恩同惡俱為不道一昨率其蜂蠆犯我郊畿奉天之衆振疑其前邠州之軍制其後坡進無所人退知難歸尚肆貪狼更為封豕毆侵縣邑剽掠居人光進仗天之威首殲魁孽杜冕賈士之勇再掃殘妖既已誅其鯨鯢佇見傾其巢穴凡在戎旅孰不懽欣臣忝惣兵權部萬恒品

賀斬逆賊僕固瑒狀

前人

右臣某日於華州下邽縣東乾坑店下營伏承中使某昨日於



路將逆賊僕固瑒首級過上都者伏以前件賊夷狄雜種累無  
令望本目行陣得殘榮班當將師之權效錐刀之用幸憑廟筭  
頗立戰功陛下嘉其成效寵以非次謂能盡節翻構異端兇惡  
貫盈人神共棄今引頸受戮傳首而來率土之人不勝大慶子  
既仗罪父必成擒掃蕩妖氛在於旬日臣忝司戎律倍萬恒情  
遲迴路隅踴躍忘倦無任慶快之至

賀生擒高王狀

前人

右臣得澤潞節度兼鳳翔秦隴臨兆觀察處置等使李抱王今  
月二日牒稱先鋒將栢秀等十一月於南梁州大雪嶺北破前  
件賊黨殺戮四千五百人生擒高王妻及男女二人并獲牛馬八  
千頭足器械三千餘事又得李抱王今日日狀稱於南梁州城  
圍縣界擒高王訖伏以此賊因依山陰嘯聚甲兵蟻闕郊畿之

間鴟張邑屋之下西與犬戎連接北與逆豎交通更唱失和窮  
兇極惡人神所棄覆載不容李抱王處奉眷謀深入其阻始則  
俘其逆黨終用覆此凶渠叢穴一作本以之風行雲林由其電掃  
威靈遠暢兆庶同歡在臣微誠倍萬恒品

賀破高王賊狀

前人

右臣得孫志直狀報具件如前伏以此賊嘯聚日久兇逆實深  
在於邦畿頗罹辛整既與犬戎相結又共懷思合謀若二寇北  
來必為內應孫志直忝承廟筭討伐殘兇既斬級以擒生遂傾  
巢而落邠蕃渠失援邊烽可息一作息臣忝惣戎倍萬恒品

賀韓僕射充招討使狀

今孤楚

右中使臣希債至伏奉詔書吳少誠北今招討都不悛心今以  
韓全義充蔡州行營招討處置等使臣當軍兵馬今取全義指



揮上官說充招討副使全臣使人詣於一作行營所撫於將士仍  
全激勵臣伏見逆賊吳少誠殘喘微生翺飛賤品敢違帝命未  
即靈誅陛下天覆為心雲行其德念日月所照九州攸同哀陷  
穽之中一夫不獲懸申詔旨開賜生全而長惡未悛執迷不復  
凶逾殛絲聲極吠充今既慎選武臣盡驅猛士威聲先路實厲  
於震霆剪滅剋期必同於沃雪欣歡奮激倍百恒情當道應行  
營將士等悉懷感怒奮力俟奮指蹤示處既以得人致命指軀  
必無應敵臣即準詔差人專往慰諭仍切加激勵冀申微效用  
答深恩不任悃欵之至

賀破賊兼優卹將士伏

前人

右中使巨希倩至伏奉詔書得全義惣率諸軍已入賊界四月  
二十七日大破賊徒并擒斬生級如有身死王事者已委全義  
並給棺槨送歸本道令臣五年莫停衣糧者吳少誠吠澮下流  
不朝于海根莖弱植自絕於天徑牢之中鳴吠未已今霜鋒雲  
集月羽風馳既壓賊軍纔聞後鼓將摩寇壘已見靡旗實廟堂  
知先勝之形校隊陳爭登之力誅鋤有次茂無殺難凡在方隅  
不勝欣抃臣伏以雖忠不烈戰士所羞視妃如歸武夫之志伏  
惟陛下弘天覆燾為照臨載激怒肝爰收膚骨漢詔徒頒其櫛  
積義闕送終周詩縱果其糗糧賞延非嗣以今觀古奮一當千  
臣獲守邊陲叨居將帥無任感激之至

賀行營破賊狀

前人

右臣得當道行營兵馬使李黯狀報諸軍兵馬四月十七日從  
臨穎縣三道齊進二十七日過潑水縣張村下營間探知桑林  
中有賊遂與接戰大破賊軍擒生斬級不知其數者臣伏以天



道無親助其效順人生有欲患在不安今逆賊吳少誠深入禍門自沉置罟執迷不復謂暴無傷去至安而即甚危棄大順而為巨逆避日月之照于雷霆之誅尚假息于寸陰敢偷生於數刻今者將從天落兵若山行濟激水而不滯隔偃城而欲斷長蛇之首尾如截應接自難狡兔之窟穴已焚死亡無所方當破竹猶繫苞桑剝銳氣以長驅坑威稜而直指困雖猶闖亂不能軍既摧衆惡之鋒必喪元兇之膽以愚等度不日掃清臣忝守戎旃無任抃躍憤激之至

賀行營破賊狀

前人

右臣得當道行營兵馬使李黯伏報今月十三日於故信州城下破賊三千人斬首七百餘級者臣伏以舉止或高則無所指退藏多密固或不亡一作知逆賊吳少誠用己之愚劫人為惡唯

日不足謂天可逃自韓全義稟受廟謀勳力士橫行於境深入其郭兵才交鋒寇已亂輒以羸師之骸星穢草而腥林疲馬之命委離柴壕而咽塹寔由奪其信幟拔彼懸門遂使戰野者不知所歸守俾者無從而出兇徒風散叛卒星分亦足以快帝怒於高天宣皇威於下土况臣任當旄鉞誓掃氛祲慶抃之情實萬怕品所守有限不獲稱賀闕庭無任屏營之至

文苑英華卷第六百三十七

登士郎胡 柯 鄉貢進士彭 叔夏 校正



文苑英華卷第六百三十八

狀十一

薦舉上

南海舉給事中穆質自代狀一首

舉杭州刺史韋臯自代狀一首

桂州舉前容管經略使嚴公素自代狀一首

舉常况自代况太子賓客狀一首

舉楊憑自代充兵部侍郎狀一首

舉崔邠充太常卿狀一首舉崔邠充自代禮部尚書狀一首

薦道州刺史呂温狀一首 薦昭州刺史張遜狀一首

薦劉孟脩狀一首 奏薛芳充支使狀一首

薦李晏常楚狀一首 代人舉將係自代狀一首

代人舉周敬復自代狀一首



南海舉給事中穆質自代狀

馬惣

右臣伏見前件官才略過人清貞出衆早居省闈鬱有政聲官叙已高時望仍重爰自出牧美績尤彰正直回不沉毅能斷伏時乞以臣官授之於質則必能鎮靜方域輯和蕃戎臣之才能誠所不逮官諤勇召榮福難叨伏希聖慈允茲誠請則君無妄授之義臣無虛受之名不勝懇切愧覲之至

舉杭州刺史常臯自代狀

裴冕

右臣在福建與常臯鄰近諳其為政甚得人心逃亡悉歸遠近皆悅頃在京兆以公坐出官今頗餘杭以理刑高第馮異漢之名將初為赤肩所敗俄又大勝光武降璽書勞日昔雖垂翅回谿今乃奮翼澠池可謂失之東隅收之桑榆矣臣以為常臯之功亦馮異之比往雖小失今亦大理陸下既捨其過而使之則

必心一作心激勵其氣有倍匹夫一言相為而死況君臣之義誰不感恩云云

桂州舉前營管經略使嚴公素自代狀

李渤

右臣伏準建中元年正月五日制觀察使上後三日舉一人代者前件官曾任容管經略使行朝廷威恩得重夷畏慶可以備方隅之任惣廉察之權使其處臣之官代臣之職必能獷悍柔服谿洞又安伏乞聖慈允臣所薦臣某不任誠懇之至

舉諫議大夫常況

集作有全銜

英華不錄自代充太子賓客狀

權德輿右伏準建中元年正月五日制常參官上後三日舉一人以自代者前件官含和抱素宴息道樞循性履遠跡聲利微拜諫列乞歸故山實有古風可弘集作司教本伏以賓護之任道德所宜不嬰事物特謂清重職負於三品列商皓於四人豈臣



小生忽據尊秩久於鹿玷自速憊尤過蒙恩私猶處優禮俯頓  
仰慙灼上負忽明賦祿命官必歸耆碩以臣負罪非所克堪推  
賢讓能朝有恒制僚厚德慶洽時情謹祿奏聞謹奏

舉散騎常侍楊憑前同自代充兵部侍郎 前人

右伏準建中元年正月五日制常參官上後三日舉一人以自  
代者前件官曠度彊才明誠直道卓爾山立不隨波流自踐朝倫  
時推公器詎言刑於鳳槩聲猷發於事業庶政根本在於南宮  
臣以庸虛五贊其取憑積望實未階茲選物議時情共知不可  
輒量力以循分期類龍以審官庶充至公以明朝典謹錄奏聞  
謹奏

舉吏部侍郎崔邠前同充大常卿 前人

右伏準建中元年正月五日制常參官上後三日舉一人以自

代者前件官才茂識精密靜弘遠集作 又於右掖再履南宮儀

曹取士聲實不感少集作 宰掄材流品皆叙伏以奉常曲禮首

冠羣卿古今盛選不可虛授以臣愚薄累奉恩榮前後職官無  
非忝濫建中獎命尤懼非宜將何以叶和人神祗肅效祀跡邠  
公望當處大僚循分讓能朝有彝典謹錄奏聞謹奏

舉大常卿崔邠前同自代充禮部尚書 前人

右件官器行端茂文學弘深自中書舍人歷禮部吏部二侍郎  
太常卿皆與臣交代諳其政事伏準建中元年正月五日制常  
參官上後三日舉一人以自代者臣頃待罪非據首尾四年無  
補休明合當譴黜聖慈寬宥猶受本官受恩之日惶駭失次又  
蒙特令宰臣奉宣進止獎飾慰喻至再三謂臣更無罪過恐 妄有  
憂懼承命震灼感肝宰臣退免未有斯比實怵惕之際再沐生



成之恩臣以違奉近侍不合申謝慮煩省覽不敢拜章輒因舉代之時特荷非常之澤况宗伯秩禮選任重難以冰代臣實之公望謹錄奏聞奏

代李中丞薦道州刺史呂温狀

温自作集無

右臣伏以前件官操履有恒吏事精舉處繁簡肅辦獄詳明尤於撫綏實著効績今道州稅賦卑集流亡盡歸處奉公程日至清淨委心於理古人不如衡州凋弊累年常積逋欠實積財用以安疲黎伏望除衡州刺史臣職當廉察上奏詔條觀善薦能臣合竭節七州之事敢不精詳前件官小心理務夙夜奉公才識出人效績尤著况道州風俗獷猾前後難為緝綏自温條理已來疲人尽皆蘇息觀其能政堪為表儀臣輒舉所職上達聖聰伏望天恩允臣所請云云

薦昭州刺史張孫狀為人作

令孤楚

右臣伏準貞元六年十一月八日勅旨自今已後諸州刺史縣令以肆考如理術尤異實効可稱考滿日委觀察使錄事跡以聞特加獎擢者前件官守文惟謹持法甚精清廉有餘貢固無比臣伏見嶺南風俗惰嬾苟避征徭易成逋竄張孫憂人若已理郡如家勸課農桑置立保社移風為敦原之境徵賦無慘急之名周旋六年其道一致臣猥司廉察忝守方隅以所見聞恐須甄錄云云

薦劉孟脩狀為人作

前人

右件官業傳忠厚雅尚文儒貞白居心公勤守職累曾試用皆著清廉頃崔漢衡在晋州日奏授殿中侍御史充都防禦判官直道不回正詞無隱賓僚之內裨益甚多知是公才豈

一作詳為



叅佐屢詳疑獄心盡衰矜嘗判劇曹事無留滯臣是以錄其勞  
効奏請改官伏蒙聖恩特援前件官令赴闕不奉詔旨不敢乞  
留臣伏以孟脩自有幹能誠堪任使所以知微分輒敢薦聞干  
冒宸嚴伏增戰越

奏薛芳充支使伏

為人作

前人

右件官蘊蓄公才精勤吏道文章史傳無不該通大曆未則與  
臣及徐泗節度使張建封同事故馬燧作判官建中三年曾以  
公事直言不合其意遂被奏受交城縣令及有政績槩然疲羸  
悉安征賦皆辦臣以其四居畿令兩任法官有學有才堪為賓  
佐委令推斷無不許平與之籌書多所裨益相諳識二十餘年  
滯居最深實希榮將伏望夫恩特賜改官充臣觀察支使

薦李晏常楚伏

大和六年  
白居易

朝儀大夫前使持節海州諸軍事守海州刺

史上柱國李晏

右前件官比任海州刺史被本道節度使配諸州稅麥一例加

佑徵錢晏頻申論集作恐損百姓本使稱用軍事切不得已而

從之及被人論朝廷勘覆責不聞奏除削官集替階雖在法則

四字集誠合舉行於晏則集作為獨屈况晏累為宰牧皆着良

能清白公勤頗聞於衆自經停罷已涉三年退居洛陽窮餓至

甚身典三郡家無一金據此清廉別堪優獎又建中初李正己

與納連反汴河阻絕轉輸不通晏先父洧即正己堂弟為徐州

刺史當判亂之時洧以一郡七城歸國効順棄一家百口任賊

誅夷開運路於集作咽喉斷兗渠於集作右臂遂使逆謀大挫

妖寇竟消從此徐州堦橋至今永為內地如洧之子實可念之



臣伏以消之忠功不可忘晏之吏材不可棄伏希聖念量授一官庶使廉吏忠臣聞之有以集作激勸

伊闕山平泉處士常楚

右件人隱居樂道獨行善身歛跡市朝息機名利况家承集作

簪組兄在班行而楚獨栖山卧雲鍊氣絕粒滋味不接於口塵

埃不染其心二十餘年不改其樂志齊其類節類顏原摺紳之

間多所稱歡臣為尹正理合集作薦論雖飛鴻入冥自望欽咏

而白駒在谷亦貴繫維儻蒙冥彼周行縻之好爵降羔鴈之礼

命助駕鷲之羽儀足以厚貞退之風遏躁進之俗茲亦盛事有

裨聖朝

以前件謹具如前臣伏以念功振滯前王之令猷貢士推能長吏之本職其李晏常楚等並居府界不踐公門臣實諳知輒敢

論薦有涉塵黷無任兢惶謹具奏聞伏聽勅旨

代人舉周敬復自代狀

杜牧

代人舉周敬復自代狀

杜牧

前件官執德以進嚮道而行諳有令名備歷清貫掌綸言於西

掖才稱發輝參密命於內庭衆推忠慎自珥貂近侍主籥集作

東門声實益重於摺紳磨涅始彰其堅白伏以南首實天下根

本兩丞為百司管轄苟非其選必致曠集作官今若以臣所任

迴授敬復庶能肅清臺閣提舉紀綱既曰陟明實不虛受伏乞

天恩允臣所請

代人舉蔣係自代狀

前人

伏準某月日勅内外文武常參官上後三日宜舉一人自代者

伏以前件官仁義素彰文學早著揚曆臺閣宣昭令名嘗為諫



官無所避忌及領藩鎮實慮疲羸頃者不附權臣例迂佐官集  
佐例今逢明代猶典小州伏以封還詔書駁正特事職業實重  
佐官所擇宜精今若以臣此官迴與蔣孫既不虛受寔曰集陟明  
伏乞聖慈允臣所請

文苑英華卷第六百三十八

登仕郎胡柯

鄉貢進士彭叔夏校正

文苑英華卷第六百三十九

狀十一

薦舉下

為濮陽公舉人自代狀一首 為懷州刺史舉人自代狀一首

為尚書渤海公舉人自代狀二首

為榮陽公奏一作王克明等充縣令主簿狀一首

為榮陽公舉人自代狀一首 為監州奏舉李孚判官一首

為濮陽公奏韓宗等四人狀一首

為安平公奏杜勝等四人狀一首

薦前漢州刺史薛元賞狀一首

薦前淮南節度掌書記殿中御史狀一首

薦澧州刺史崔芸狀一首

薦觀察判官陸暢請章服狀一首



為濮陽公陳許集作人自代狀

李商隱

某官崔蠹

右臣伏準某年月日勅内外文武官上後三日舉一人自代者臣

伏見前件官藥卻旧藥鄒魯名儒鏡納無私集作山高不讓而

又循牆戒切銘座規深蘭省辞榮竹符出守汝悲来暮晋有去

思悔而轉明集作况而尤白既还綸閣復掌禮園人驚吞鳳之

才士切登龍之譽集作及司啟籍以副地官比按西羗孤忠靡

失集作按比周居然固器實映朝倫今汚水無兵武昌非險用

為廉問尚鬱庙謀臣所部乃秦韓戰代之鄉周鄭郊圻之邑軍

踰千乘地控三州若以大臣必為名將敢希眷澤曲遂愚衷偶

寬竊位之機冀受集作進賢之賞干冒陳薦無任兢越謹錄奏

聞伏聽勅旨

舉一人自代者臣伏見前件官汾陽啓胃以麓遺芳佩觿之辰

平居不戲加冠已後出言成章本以詩書綽有機斷奉陰郭之

良燭集作街集作馬鄧之明集作規臣以集作其祖彌已来藩

宣相接雲臺高議同承鍾鼎之餘麟閣旧圖共著河山之誓交

深志見年齊道均今河内名邦覃懷巨郡南藩鳳闕平分晋鄭

之交北控羊腸方有干戈之後推讓雖循於故事薦聞實於切

私誠伏乞聖恩特允臣志無任感恩推賢之至謹祿奉聞伏听

勅旨

為尚書渤海公舉人自代狀

前人

某官周墀

右臣伏準某年月日勅内外文武官上後舉一人自代者伏

京邑為四方之極咸泰秦乃天下之樞必命英髦以居戶正臣



謬蒙抽擢素之財能將何以風彩章臺羽儀華園集作况又方

營咸集作函鄙畢肇集作肇建園陵苟推擇之不先則顛覆而斯在前

件官莊粟以裕簡嚴而寬玉無寒温松有雪霜項居內署實事

文皇引倨而外朝莫知視草而中言罔漏洩分符近甸庶印推藩

不徇物以沽名善推誠而立斷渾集作藹若全器宜乎在庭儻

以急宣被之眷渥必能明張條目峻立堤防肅千里之封畿惣

集作殷五都之貨殖軒英華作燕非臺禹穴無虧允奉之儀漢苑秦陵

盡絕推埋之黨特乞俯迴宸斷用授當仁免今日之叨恩冀他

時之止賞干冒陳薦兢越伏深

某官崔龜從

伏以內史故事例帶銀青尹正旧儀平揖令僕必資髦碩方備

次迂臣持以輒儒猥丁昌運位崇八座官紹三王况駕有上僊

車當晏出務煩厯置役重津途儻讓爵之不思則敗官而斯疚

前件官荆本擬價赤董楊鋒稟松筠四序之榮抱金石一定之

調由中及外自誠而明昨者故勒利迂朝臺受律隱之清節無

媿於投香江革歸資唯聞於單舸必能集同軌之會奉因山之

儀使桴鼓稀鳴建瓴流化伏乞特迴鳳詔以命龜從成聖朝棫

樸之詩減微臣維鵜之刺千黷旒宸伏用兢惶

為榮陽公舉王克明等充縣令主簿狀

前人

以前件狀如前伏以臣所部控聯谿洞叅錯鬣髦水接重湖山

當五嶺縱有天官注集作恣非擬多緣地理幽遐或不出上京已發

徒勞之歎或輒來屬邑即聞歸去之辭既經久而不謀亦柔良

而曷寄臣謬膺廉部慮在曠官儻旬朔以無言賦興而必闕前

件官或膏梁遺胄或英俊下僚雖寓遐陬久從試吏假之銅墨



有意於鳴琴委以簿書不差其棲棘既聞績用合有甄異一則復遠俗之凋殘一則輕微臣之憂責苟事因請託跡涉貪殘將有負於斯文豈敢逃於舉主伏希卑聽咸賜即真干冒宸嚴無任兢越

為榮陽公桂州舉人自代狀

前人

某官裴侏

右臣伏準某年某月日勅内外文武官上後舉一人自代者伏見前件官裴鄉茂族洛下名生處家國以必聞善兄弟而無瘡而又南翬耀彩東箭含筠身先較藝之場首出觀光之籍從外府而允稱賢佐立中臺而克號清郎洎時急昌言官登大諫楊阜常規於法服陳群盡削其封草實於不拂之朝能守勿欺之旨臣所部俗分壘徼地控越域籍威畧以靖封隅資簡惠而安疲瘵願迴殊渥以授當仁豈微敬仲英華作豈為敬重非之才兼有伯游之長俯從牢讓方免曠官特冀宸嚴曲垂矜許干冒陳讓惶越無任

為鹽州刺史奏舉李孚判官狀

前人

某官李孚

右件官克生公族早履宦途器實幹特辨能專對加之夙明韜略又逐旌旃頃為已知屈從吏議許体文之流浪萬里非賒王仲宣之播遷三年未遇險而不对困且能通雖何恤於無家良可悲其絕籍去歲以惟新之命大治鴻私亦既旋還合從叙用開成五年十一月十二日吏曹已注有威衛倉曹參軍授官未謝又蒙挾名除替初去奉復仍迫屢空京口劉生方思鵝炙洛陽蘇子已弊貂裘方今崇唐集作帝克敦厚之恩推魏文光榮集作榮樂



之止豈今棄良材於散地化王孫為

英華作於非

族人臣素之器能

叨膺任使控綠池之要地守清澤之堅城將以宣布威靈彈壓  
氛祲苟咨謀失所佐理非材豈唯此軍聲兼且傷於朝寄臣  
深自計孚實當仁况又得於諸宗且兼通舊諸葛均有因依之  
分龐士元多鑒裁之恩是敢輒黷宸階乞榮賓席使得盡其風  
力佐彼邊陲雖處平原之曩必將顛腕劔拭華陰之士粗雪幽  
沉伏請未資賜授一官方臣防禦判官干冒冕旒無任戰越

為濮陽公陳許奏韓琮等四人充判官狀

前人

韓琮

右件官早中殊科榮推雅度弦柔以直濟伏而清頃佐憲臺且  
丁家難當喪而齒未嘗見既祥而琴不成聲逮此變除未蒙抽  
擢臣頃居鎮守琮已列賓僚謀之既臧剛亦不吐願稽中選榮

為懷州刺史舉人自代狀

前人

右件官言思無諂集作邪學就有道屢為從事嘗佐正人加以富  
有文辭精於草隸雋而且檢通亦不流臣所部稍遠京都每繁  
章奏敢茲上請乞以自隨伏請依資賜授憲官充臣節度掌書記

裴蘧

右件官魯國名儒邕鄉右族松寒更翠馬老不迷臣昔忝鑒

英監

華作非

門辟為記室屬辭而夙構無異論立而故校多歸畫

集作委

以前籌見其餘地伏以前任大理評事已三十三箇月比於流  
輩已是滯淹伏請特授憲官充臣觀察交使

夏侯曠

右件官藏器於身為仁由已齊莊難犯勁挺不搖臣任切循良  
集作拊循務繁稽勾思留仙尉以重賓階伏請未資改授一官充臣



鄧度巡官

以前件狀如前臣四朝受任三鎮叨榮慕碣石之築官廣延儒雅効西河之擁篲樂得賢才韓琮等並無所因依不由請託久諳才地堪列幕庭伏希殊私盡允誠請謹錄奏聞伏聽勅旨

為安平公兗州奏杜勝等四人充判官狀 前人

杜勝

右件官流慶相府榮名詞苑當仁罕讓見義敢為符彩極高涯

涖難挹臣前任已奏為判官臨事而每見公方與語而必相弘益

臣等寄分團練集作練任切訓齊將奉廟謨實在賓彥伏請賜守

本官充臣團結判官

趙哲

右件官落下名生山東茂族仁實甚富天爵極高妙選文場亟

仕俟國珪璋特達蘭杜芬馨今臣廣庶問大藩澄清列部籍其

暮畫共讚朝經伏請賜守本官充臣觀察判官

李藩

右件官文囿馳聲賓階擅美口含言瑞身出禮門前任已奏為

判官馭集作遇下而和易不流臨事而貞方有執今臣移參國用

務切軍須實假平均以同計畫伏請賜本官充臣觀察文使

盧涇

右件官博涉典經該覆流略自魯壁所懷汲冢之藏三篋能知

車盡究如之文采兼以器能前者為臣屬僚嘗在州推獄明斷

而不容吏黠衰矜而莫有人寃今者團練之司稽巡是切每集直

思獎勅集作効非敢用情伏請依資賜授法官充臣都團練巡

官



以前件伏如前伏以長人者必以吏分勞逸開幕者亦用士為重經若不樹人何以報國況臣素無勲効謬竊寵榮至於賢才敢恠篋篋前件官並推實彥堪贊蕃條伏希殊私盡允誠請謹錄奏聞伏聖勅旨

薦前漢州刺史薛元賞狀

張次宗

右件官明敏多才幹能有用嘗列班行之任亦專繁劇之司廣漢在蜀川之中最為大郡凋瘵之後為理甚難流庸自古者過九千家田業開闢者踰五百頃脩兵甲則戎備斯足置什器則公用有餘事無不周去有遺美臣任當廉察備覩政能伏望聖恩特垂甄獎

薦前淮南節度掌書記殿中御史李璿狀

前人

右件官稟性端方臨事果毅有清介之節擅文華之名操心不回居約可久臣去年有狀已具薦論累月在京未蒙獎擢置之諫署或授以憲官視一作其為人必能稱職輒再具輪奏伏望天恩俯賜裁酌謹奏

薦前澧州刺史崔芸狀

右伏以前件官業尚儒學才通吏事言行無玷終始可觀有古人歲寒之心得君子時中之道所歷五郡去皆見思或在危疑之中能全名節或當徵發之際不擾疲人自理澧陽課績尤異得賦歛變通之法置郵館供待之資創立隄防脩繕城洫事必可久政皆有經臣任忝宣風諳其履行若在郡無此實効豈敢輒有薦論伏望聖恩特加獎擢

薦觀察判官陸暢請章服狀

前人

右件官植性謹和莅事周敏詞賦中第篇什成名應物而精力



有餘處煩而變通靡滯所委公事按牘雖一作甚多巨細無遺部  
斷尤速領刑獄之重人自不寬頌廉察之條法皆可又準勅文使  
下檢校官凡至五品便得賜緋今陸暢前任祕書丞已是登朝  
五品即頗與格文相當又職事脩舉合當甄獎臣先已有伏未  
蒙允許今觀輒再具輪奏伏望天恩特賜章服

文苑英華卷第六百三十九

登仕郎胡柯

鄉貢進士彭

叔夏校正

文苑英華卷第六百四十

狀十一首

進貢上

朝覲遇節進物狀一首

賀正進物狀五首

端午進物狀十二首

賀冬進物狀六首

進打獵口味狀一首

朝覲遇節進奉狀

鄭綰

右臣伏以古者諸侯入覲必奉贄幣或以車馬或以珪璋用展  
誠敬著於典禮臣繆領藩鎮獲覲闕庭幸遇昌辰又當嘉節用  
增聖壽以表微誠前件馬及器物謹差嶺南節度押衙某隨狀  
奉進至微至薄無任慙惶伏願如日之昇如天之福垂莫大之慶  
保無疆之休於萬億年永康四海臣不勝懇欵之至

元日進馬并鞍轡狀二首為人作今孤楚



右臣伏以元日開歲東風發春人神大和天地交泰伏惟皇帝  
陛下鴻猷更始寶祚惟新協三朝之會同受萬國之歸慶臣某  
職當分間屬忝維城未聳翼於丹霄空馳心於皇極前件馬并  
鞍轡等驅馳有度彫鏤初成願將行地之功以奉如山之壽干  
煩宸嚴伏增戰汗

二

右臣伏以五始混成歲為元吉四時分理春實發生伏惟陛下  
嗣帝鴻名受天成名百神降福願等於山河萬國歸仁思陳其  
玉帛臣限從戎役闕奉朝行又及新年皆成覆露每瞻初日如  
奉聖明前件鞍馬等稍似馴良並非淫巧冀克庭實用達邊情  
干冒陳獻伏增戰越

賀正進物狀

裴次元

右臣伏以青陽發春肇寶曆於茲始玄穹降祚仰聖壽而惟新  
正殿嚮明班行承慶顧臣等守土列在東隅空懷捧日之心望  
雲何及獨闕稱觴之禮鳴佩無因瞻九重而在天空倍情而增  
戀前件物及衫段宣臺卓座等禮不憚輕物斯一作展敬即當  
有慶用申致貢之誠情苟為珍願比負愷之獻臣某不勝感恩  
抃躍屏宮之至

代李令公進歲節曰味一十事狀

于公異

右伏以獻歲首春元辰備饗內饗具品則有常珍野食擊鮮恐資  
一作秉味臣昨以軍中無事畋獵出城既臨戎虜之邊且試偏  
禪之藝縱橫必中豈謝麗龜俯仰無遺寧憂即鹿或堪上獻輒  
露東誠前件物等謹伏奉進庶禪仙筵用愧野芹無任惶懼悚  
一作之極



為榮陽公進賀正銀狀

李商隱

伏以運當聖日節在王春近則入金門而排玉堂歡於上壽遠則梯重山而浮張海務以獻深臣受國恩深藩地阻明珠大具南異於百蠻翠羽犀皮北珠於三楚前件銀出非大名冀在中金敢以元正式陳方賄望闕億銀臺之蛟尚隔集作仙僚瞻天仰銀集作漢之流莫階霄路馳心獻視因物達誠于冒宸嚴不任兢越

端午造馬狀

于公異

右伏以律應蕤賓節臨端午徵彼風俗盛陳縛壽之義爰念人臣敢闕致誠之禮况朝廷叙位海內來王咸因暫弊之資用未肅恭之節臣叨承恩顧獲守邊陲朝下及於良辰禮竊憑於外物輒以前件馬并鞍等進奉殊慙駸駸微露衷誠願承端之祥

長居得一之位不勝區區之極

同前

裴次元

右臣伏以律應蕤賓日惟端午訖於四晦皆馳必獻之珍節彼南山咸祝無疆之壽臣職叨藩服守在遐方貢菲禮以展誠卑微既懼傾葵心而向日捧戴何因情空愧於遼東戀益深於闕下臣集不勝感恩戰灼屏營之極

同前四首

王仲周

右伏以楚俗遺風素傳角黍野人之志每願獻芹上件衣服裁製實昧於上國針縷多慙於天造懇誠所至庶備祝堯謹遣某官隨狀奉進

二

右伏以垂衣聖代角黍良辰述職之誠願有所獻器用非寶寧



備下陳之儀縑帛至微庶同長命之縷前件銀器花紗等謹遣  
集官隨伏奉進

三

右臣伏以千年昌運屬在聖朝五日佳辰方臨仲月臣謬司垣  
翰不獲稱慶闕庭對東海竊慕於朝宗望南山輒思於上壽前  
件銀器花紗等謹邊某官隨伏奉進

四

右伏以聖壽千年不假封人之祝嘉辰五日用申臣子之誠前  
件器物紗絹等不敢法外微科皆積軍中餘羨遠塵旒宸伏用  
兢惶謹差某官隨伏奉進

端午進鞍馬等伏三首

令狐楚

右臣伏以五者天之成數夏者天之仁時伏以陛下用仁時而  
長養群生舉成數而陶甄品物是以百蠻委瑞萬國歸誠同瞻  
日月之光共奉乾坤之壽臣方從邊役未周行謬宣力於清  
朝竊馳心於令節前件馬等柔馴既久彫飾初成敢因五日之  
良以續千年之慶千冒宸宸伏用兢惶

二

右伏以月旒蕤賓節惟端午天人効祉朝野交歡伏惟陛下宸  
極尊嚴大明光耀擁純揚之元吉保眉壽之康寧風俗旣和人  
倫以厚前件鞍馬器物等彫鐫始就服習初成輒因五日之良  
以續千春之慶千冒宸宸伏增戰越

三

右伏以月惟仲夏時屬純陽當五日之良辰慶千年之聖壽華  
夷修貢走玉帛於寰中朝野飛歡均金石於天上臣方從戎役



夙奉皇慈願竭微誠慙無遠物前件鞍馬等又令馴致稱以柔良干冒宸嚴伏增戰越

又進銀器物并竹鞋等狀

前人

右伏以小惟正陽日次南午干官拜稱觴之慶萬國陳執珪之禮將以詞續聖壽延洪冒期一作冒蓋朝庭之舊儀乃臣子之常事前件銀器等或便於用正當其時慙經萬里之遙願獻九天之上塵黷宸鑒無任戰懼

為榮陽公赴桂州在道換進賀端午銀狀 李商隱

右臣伏以集作握不圖而御物必相見於离猶小正以辨時則盛德在夏故著為令節稽以舊章通修任土之宜仰續後天之壽臣方乘傳置未至藩維前件銀已及中塗實從前政拜章獻祝雖令戶以告新納費展儀欲長府之仍舊謹以前觀秦使楊

漢公封邦進上千春屬慶億載諸休繫以藩條闕覲丹墀之下徵諸貨志且媿白食為中干冒宸嚴無任兢越

為安平公赴究海在道准賀端午馬狀 前人

右伏以浴蘭令節採艾嘉辰百辟合祝於克年萬方宜修於禹貢臣方夙駕之部馳傳出闕欲獻琛而未諸上宜賀祝壽而已悲日遠前件馬伏禳斯久著鞭亦多粗覺柔嗎未嘗奔逸雖非龍孫驥子邈一舉以絕塵願陪月駟雲謁慶于斯集作於扈蹕干冒宸宸無任兢惕之至

賀冬進物狀

裴次元

右伏以履長之慶咸歡比日之休率土之濱皆祝如山之壽况臣早參近侍出鎮遐藩望闕既遙瞻天積戀手舞足蹈既不及於九流任土展誠空用馳於一獻輕瀆旒宸戰越惟深前件女口



及紫袍段銀壘子等謹遣某官隨伏奉進

冬至進鞍馬子劍香囊等狀二首 全狐楚

右臣伏以達子實三微之宗黃鍾為六律之本冬氣方至璧星

正中伏惟皇帝陛下純馭天正發生陽數壽等南山之固萬惟

姓具瞻恩均東海之波百川皆赴臣某限從外役叨奉殊私東

戎律以輸誠望宸居而積戀前件鞍馬等非追風照地之駿麗

無切玉穿私之堅強用媿舍香名慙承露輒備祝堯之禮願申

朝禹之心干冒宸嚴無任戰越

二

右伏以四海無外三冬正中伏以陛下大明燭幽鴻化御極居

玄堂而布政登觀臺以視朔受萬國之慶擁百神之休臣守在

邊陲職司戎旅朝天之路由限於山川向日之心增勤於草木

前件物等皆生其地並考於工願奉如山之壽敢脩任土之貢

于冒陳獻伏增戰越

又進鞍馬器械等伏

前人

右伏以迎日良辰書雲令節始生一陽之數首出三統之正華

裔交歡天人同慶臣某班將師守在封疆阻羅拜於彤墀空

注誠於紫闕一作前件鞍馬器械等雖無犀利稍似馴良恭陳

遠路之心願備廣庭之實于冒宸辰伏增戰越謹遣某官隨伏

奉進

又進銀酒器唾盃等伏

右件銀物等非有可觀甚無所直以其方圓不礙斟挹酒漿潔

白自特冥承咳唾敢因長日願獻上天干冒宸嚴無任戰越

為萊陽公進賀冬銀等

二字集作銀乳白身

李商隱

右伏以黃鍾應候白琯舒和遠訪晉儀禮同元日遐觀魯史事



重朔朝伏惟皇帝陛下與天同休如日之盛將融漢道兼舉周  
正臣方駕庶車闕稱壽酒心懸土炭空循集作太史之書身遠  
江胡徒積子牟之戀苟無納贖曷慶履長前件銀等廩和於天  
地之鑪擢粹於神仙之府豈為方賄且自地征對三品之金度  
陪白壁撰集作一尤之藥請映玄霜私白身等雖長在遐鄉而  
生知望闕比從訓示堪備指乎冀因物以達誠竊先特而効祝  
七百年之卜願過成同八千歲為春敢徵蒙叟干冒陳進競越  
無任

進打獵口味狀

于邵


右伏以平野未春寒山餘雪陛下俯令畋獵遙借寵靈豐狐難  
脫於重窠狡兔莫遺於三窟觀同將師藝角偏禪况節號嘉平  
特兼蜡祭承威稟命思已貸於戎臣登俎充庖味宜先於君上  
味謹隨狀進

雖八珍豐衍六禽填委輒傾誠於金鼎慶慕義於野芹前件品  
文苑英華卷第六百四十

登仕郎胡 柯 鄉貢進士彭 叔夏 校正



Blank manuscript page with vertical columns and a large watermark.



Vertical columns of faint text on the right side of the page.

Vertical columns of faint text in the middle of the page.

Vertical columns of faint text on the left side of the page.



25

